


土岐文庫  
文庫17  
W98  
4



15

20

25

文庫 17  
W98  
4

010185193867

昭和六十年二月一日  
土岐善吉唐氏寄贈

明詩別裁集卷七

長洲 沈德潛確十  
周 準欽萊 同輯

高叔詞字子業祥符人嘉靖癸未進士官至湖廣按察使。蘇門五言冲淡得韋蘇州體王元美評云如高山鼓琴沉思忽得木葉盡脫石氣自青良然。王敬美云徐昌穀高子業二君詩有不同而皆巧於用短徐以高韻勝高以深情勝更下百年李何有時廢與二君必無絕響

再調考功作



明詩別裁集卷七

引疾三上書微願不克諧徒官復在茲心  
 迹一何垂軒裳日待且聞闖凌雲排入屬  
 金馬籍出與群龍偕積賤詎有基履榮誠  
 無階但惜平生節逾久浸沈埋既妨來者  
 途誰明去矣懷鳥迷思故林水落存舊涯  
 惟當尋素業歸卧守荆柴謹微涼真不礙  
 進不封賢卓然  
 想其風際入理  
 不腐善學大謝

古歌

荆和當路泣良璞為誰明茫然大楚國自  
 日失兼城燕石十態重魚目一笑輕古來  
 多感歎今可亦石聲

叙懷

伊昔追弱冠奮足參賢豪衣褐出下國脫  
 輓造中朝聖期開九五河清在一朝升龍  
 假立淵鳴鳳託芳條五從宰府辟連荷公  
 叔招名過有瑕類道在無矜驗猶全不肯

軀解冕未逍遙。

答谷司僕見問

幸自返中國。非關逃微櫟。方因疾病餘。龜  
勉供樵牧。春至東郭田。夏來北林木。時從  
遠原上。日縱平郊目。野老逢與言。道書問  
能讀。何能共世人。無事相追逐。勞君問出  
處。日暮掩茅屋。

簡袁永之獄中

本同江海人。俱為軒冕誤。子抱无妄憂。余  
有多言懼。昔來始青陽。今此已白露。豈乏  
速進階。苟得非予慕。罪至欲何言。直以屬  
情故。泉女競中閨。獨返反成怒。追誦古時  
人。蒙冤誰能訴。皇心肯照微。與子齊歸路。

病起偶題

空齋晨起坐。懽遊罷不適。微雨東方來。陰  
靄倏終夕。久卧不知春。茫然怨行役。故園

芳草色惆悵今如積

送別德兆武選放歸

燕郊秋已甚。木葉亂紛紛。失路還為客。他鄉獨送君。龍蹄時共惜。棄置古常聞。莫作空山臥。令人望白雲。

分水嶺晚行

客興日無奈。兵荒歲屢加。少年曾許國。多難更移家。遠水通春騎。孤城起暮笳。憑高

一回首。何處是京華。

寒食定興道中

二月鶯花少。千家雨雪霏。可憐值寒食。猶未換征衣。積水生空霧。高城背落暉。忍看楊柳色。從此去王畿。

徐階

字平升。華亭人。嘉靖癸未賜進士。第。第三累官少師。吏部尚

書。贈太師。謚文貞。

送司封仲芳楊子赴留都

哲人重道義。朝貴不足縻。丈夫志四方。遠  
 適非所悲。如何與子別。悵悵不忍辭。古道  
 日淪替。群談紛追隨。子獨諒迂僻。經訓相  
 劇規。去住忽以異。麗澤安所資。積波無停  
 流。靈耀亦西馳。感此重念子。何以慰爾知。  
 至理不外得。吾心實吾師。願言勵操存。千  
 里同襟期。

橫溪為彭允禎賦

橫溪東去水。沼迢虛閣重。蒼苔共寂寥。山外  
 夕陽低。度鳥雨餘春。渚暗通潮寒。空落葉  
 書聲靜。秋草孤帆客。夢遙欲徙石。湖湖上  
 石為君乘月更吹簫。

鄭旦字希周歙縣人嘉靖癸未進士官至浙江右布政使

曉發洱海夕次濱川

天高野曠瘴煙收。風急霜繁落木秋。箬道  
 千盤臨戍堡。山城百雉入邊州。諸蕃采歲

月詩別裁集卷七

七

休戎馬孤館頻年望斗牛。夜半角声吹激  
烈紛紛涼月照人愁。

張時徹

字唯靜鄞人嘉靖癸未進士官至南京兵部尚書

采葛篇

種葛南山下。春風吹葛長。二月吹葛綠。八  
月吹葛黃。腰鎌逝采掇。織作君衣裳。經以  
長相憶。緯以思不忘。出入君篋笥。長得近  
輝光。曾水布河米中野。皓凝霜。吳羅五文

采蜀錦雙鴛者。君恩當斷絕。歎息摧中腸。  
中腸日以摧。鳥葉日以衰。願留枯根株。化  
作萱草枝。古樂府語意

初秋

一聲漁唱海天秋。素練初飛白鷺洲。亦有  
芙蓉自開落。何人解識漢宮愁。

蘇祐

字允吉濮州人嘉靖丙戌進士官至兵部左侍郎宣大總

九日

落木驚風候，淹留感歲華。陰雲連紫塞，清  
淚對黃花。八駿周京馬，孤蓬漢使槎。高臺  
子，懶上不為甚思家。

予告歸人倒馬關作

南風吹雨傍關來，關上千峰畫角哀。老去  
尚憐金甲在，生還重見玉門開。臨茲謾引  
思歸調，虎節空懸上将才。聖主恩深何以

報，車前卻曲重徘徊。

塞下曲

將軍營外月輪高，獵獵西風吹戰袍。繁  
無聲河漢轉，露華霜氣滿弓刀。

華

察

察字子潛，無錫人。嘉靖丙戌

進士，官至待讀。學士掌南院  
學士五言，冲淡有餘，常  
風然垢氣已離，未穿須滓。

秋日觀稼樓曉望

日出天氣清，山中張幽獨。登高一眺望，風



物凄以肅。流水映郊扉。吹煙散林屋。秋原  
 一何曠。薄陰翳荒竹。時聞鳥雀喧。因念禾  
 黍熟。悠悠沮溺心。千載猶在目。  
王摩詰云  
 小雀喧禾黍  
 熟此衍作十字  
 便不及古人

宿玉陽山房

返照明溪梁。深松晦夕景。巖卧符夙期。雲  
 陰石牀冷。因投物外心。遂入清虛境。天寒  
 木葉疎。月照山房靜。然燈獨不寐。秋宵一

何永明發從此辭白雲鎖蒼嶺

游善卷碧仙巖

落日下空門。齊鐘出林蒸。偶茲叩精廬。再  
 宿翠微上。舊遊不知處。但見松杉長。巖虛  
 露氣清。坐覺心魂爽。月白山窗高。夜靜風  
 泉響。遂令寤寐中。超然脫塵網。雲壑永棲  
 遲。願言稅歸鞅。

五月望夜與諸君山中再酌

冲夏苦晝永。葉風起將夕。圓景海上來。照此山中客。坐令微暑消。兼使累累釋。興至時命觴。露下復移席。因耽水竹居。遂同魚鳥跡。盤遊豈忘返。翫物聊自適。臺空人影疎。夜靜潭氣白。參差樹杪峰。歷歷辨咫尺。超然悟真境。萬物一虛寂。

山臺曉望懷王僅初不至

初日照臺上。興未成獨遊。天高宿霧盡。木

落空山秋曉色。侵殘鬢。新寒上故裘。吳門隔煙水。悵望空悠悠。

惠山寺與施子初話別

看山不覺暝。月出禪林幽。夜靜見空色。身閑忘去留。疎鐘隔雲度。殘葉映泉流。此地欲為別。諸天生暮愁。夜靜見空色五字入

便與詩道日遠

陸

梁

梁字子餘長洲人嘉靖丙戌進士官工利給事中坐劾罷

月詩川

卷之二

乙

桂諱都句驛丞  
遷知永新縣

贈別王直夫

威鳳天際翔潛虬澤中蟠嚴子時閑肆  
公乃彈冠顯晦豈必同各以性所安子行  
樹遠績奮身青雲端鄙人棲蓬藿寒拙聊  
自完丈夫志千載飛沉何足歎相期保貞  
素歲晚同金蘭

表表

表字永之吳縣人嘉靖丙戌  
進士官刑部主事諱成湖州

後用薦起官主  
廣西提學僉事

送陳德夫使魯

帝曰封同外皇華遣使臣河山藏漢誓  
玉展周親殿說靈光古經傳孔壁新余生  
好文獻一為訪先民

自柳至平樂道中書事

遠觸蒼梧瘴初乘離水槎蚺蛇晴掛樹射  
蠟畫含沙屋覆湘君竹山開蜀帝花莫堅

收來盡博物待張華。

大駕視牲南郊

大路調仙叔朱旗列禁城帝牛三月繫田  
燭九衢明日並龍旒出山將采仗迎橫汾  
卑漢詠裡祀達皇情。

秋興

仙仗行宮舊內居。花間往往駐鸞輿徒聞  
漢帝橫汾曲不見長卿諫獵書天子射蛟

開水殿。奚官牧馬遍郊墟。蒹葭首若秋無  
限。悵望煙雲萬里餘。

王慎中

慎中字道思晉江人嘉靖丙戌進士官至河南參政。導巖以古文得然五言古亦竊顏謝堂廡無一淺語滑語

登金山口絕頂

地紀控西界靈山亘北甸。足弱步屢懸崖  
嶺石猶踐枝椽廼能援葛腕不可挽當其  
意象開豈復慮高寒。瞻峰皆崩施陟澗數

迴緬稍覺天地寬。即看雲烟變石竇。芝自  
榮林錦雪尚滋與。澗無近尋登高有窈見。  
周圻矗五雲。易水通一線。微茫燕趙區。歷  
歷皆可辨。長嘯發靈籟。倦坐席苔蘚。氛垢  
苟不嬰。沉慮斯可遣。

遊白鹿洞

素嬰邱壑情。况秉英賢想。寤寐懸宿心。遊  
盤得茲賞。重陰始晦蒙。杲杲旋開朗。攬  
據巖巖探奇歷。榛莽境闕百慮空。意慙二  
儀廣野色。浮巾衣。秋容成物象。菊含露下  
英。泉作山中響。柔葉稍朝寒。剛條非夏長。  
景物易流徙。今古同俯仰。躊躇悵回輦。何  
時還獨往。

遊麻姑山

雲出本無心。揮樓多奇巘。繫予慕真勝。涉  
趣不知遠。初緣碧澗行。幾傍丹崖轉。林追

去處蹤躡躡飛猿踐泉流遞淺深巖谷變  
陰顯歎瀑過留憩石牀時似偃桂芳洞裏  
秋霞映山中晚探異尋前期入幽忘後反  
神遊力不竭理愜情俱遣天路如可梯欲  
以微官免

皇甫冲

冲字于後長洲人嘉靖戊子  
舉人與弟洋皆廉稱曰皇甫

吳中詩品有高季迪徐昌穀後庭  
推皇甫兄弟以造詣古澹無一點  
纖之習時二黃三  
張空存名目耳

維摩寺雨坐

回嶺無仄徑陟岡有夷壤展眸入空蒙游  
心益昭朗長風吹輕衣飄搖翠微上古寺  
迷夕烟明燈淡綃幌冥雨從東來驚雷自  
西往林巒忽不見但聞山礫響景寂非避  
喧心瑩乃成賞為禮沉疴蹤因之知幻象  
於巖石上眺東西兩湖

旭踐山中蹊午憩巖上石雲移石欲墮雨

霽蹊猶濕倚策眺兩湖波光渙相襲東若  
既紆青西衡亦凝碧芙蓉落雙鏡天影浮  
重壁。檣鳥有離聲。磯鷗無並翼。會茲物化  
情感彼高深跡。從適得所遣何為苦向迤

皇甫汈

汈字子循長洲人嘉靖己丑進士官至雲南按察僉事

子循古體出入二謝五言律亦在錢劉之間與兄子安可云敵手

秋夜把酒對月

采玉陳九辯陸機歌百年。悵茲清秋日聊

使幽懷宣矯矯歸雲雁。嘒嘒合風蟬。推芳  
委朝露。俄景流夕川。鱗運有代謝。薜華無  
長妍。始知行樂貴。何用居情牽。長夜思秉  
燭。新月正當筵。金尊泛綠醕。寶瑟絙朱絃。  
商歌當案下。楚舞出花前。餘名焉足藉。達  
生乃為賢。

過武城言子祠作

逝風枉輕櫂。戴星理扁輿。超忽之武城。有

蕩瞻魯道古邑一何卑。令猷久彌劬。絃歌  
謝清響。精華契深造。曰余廁文儒。耽寂遠  
時好。剖符辭帝京。腰章宰名趙。諒乏操刀  
資。懼貽製錦誚。經過緬遐曠。神對宣幽抱。  
言采江上蘋。薦此廟中貌。誰謂千載殊。可  
以同高調。

奉答子安兄

江郭故故陰。家園禍新霽。柔條始發林。芳

草漸紆砌。潘居信為閒。楊亭况重閉。曰余  
忝明時。與子承嘉惠。分省各有誓。佐郡慙  
所莅。暫就北山招。轉愜東田稅。情忘桃李  
言。跡豈匏瓜繫。感遇興長謠。東章緬幽契。  
從軍行寄贈楊用修

思文際聖君。稽古萃群辟。子雲侍承明。胡  
為去荒域。被命事犀渠。差勝下蠶室。憤志  
酬八書。榮名重三策。丁年子卿嗟。皓首仲



昇泣看鳶窮瘴煙。放雞定何日。業既違操  
觚。歎還期衰革。五月行度瀘千里。望巴國  
瀘水向東流。巴雲忽西陲。相思持寸心。願  
附雙飛翼。用修之才而謫戍邊。微有請所  
其悲也。提之馬遷子。知仲昇伏  
波幾於取  
以當矣

丹中對月書情

不識別家久。但看明月暉。閉山一以隘。驛  
路遠相遠。影落吳雲盡。涼生楚樹微。天邊  
有烏鵲。思與共南飛。

九口寄子約

漫有登高興。兼常望遠何。對花驚白髮。見  
雁憶黃河。亂後書來少。霜前木落多。不堪  
羈宦日。同是阻干戈。

元夕熊子叔抑過集時謫遠州

國論何年定。鄉心此夕搖。雁飛天畔驛。龍  
隱日南橋。謫宦恩非薄。夷路詎遙。誰憐

明詩別裁集卷之七  
梁傅浹曾灑漢文朝。

寄劉諫議

欲將尺素遠相貽，踈懶無如與性宜。北虜塵飛榆塞日，西京灰滿柏梁時。中朝望屬陽司諫，左掖吟憐杜拾遺。定有封章回聖主，莫須焚草避人知。

廣寒宮登眺

寶閣凌霄建，珠窓映日開。月臨疑桂宇，露

灑即銅臺。山悉圖嶠入，池猶象漢迴。倚妝化屢發，窺舞鳥能來。傾國元因色，勞民豈但財。地隨胡運改，棟與美人摧。殷鑒良非遠，秦宮亦可哀。聖朝留故蹟，皇覽日休哉。

以前朝為荒宴之戒  
得杜老詠九成宮意

對月答子浚兄見懷諸弟之作

南北何如漢二京，迢迢吳越兩鄉情。謝家樓上清秋月，分作關山幾處明。

唐順之

順之字應德武進人嘉靖己丑進士官至僉都御史天啓

中道謚

襄文

登喜峰古城

時三衛貢馬散牧關外

絕頂孤峰見廢關短衣落月試躋攀三秋  
豹旅方乘障萬里龍媒正滿山候雁似隨  
鄉思去寒花將送使臣還籌邊迂薄真無  
補空望伊吾抵掌間

復宮後報京師友人

姓名不復挂朝參魚鳥由來性所耽篋裏  
符經都已廢山中樂草漸能諳踈狂自分  
三宜黜嬾病其如七不堪深謝故人推獻  
露烹將陽羨比終南

冬至南郊

明王敦大報泰時禮神君位以南離正宵  
從甲子分月臨太乙館星動羽林軍除道  
疑登岱鳴簫異浸汾聲容六變合海岳百

靈紛封檢微題字。屏帷悉畫雲。神光入共  
見。天語寧親聞。盛蹟誰能賦。多慙扈從群。

陳東 東字約之。郵縣人。嘉靖己丑進士官至河南提學副使。

咸寧山中雪霽晚行

雪霽乍見山。殘陽稍辭鐘。暝色起。煙氛寒  
光散。虛井田空獵火還。林凍樓為警。遙聞  
野寺鐘。初月生俄頃。

鄒下秋雨夜飲王子長宅

問別時何屢蹉跎。鬢已侵還朝。明主賜  
夜故人心。涼雨杯初覆。空堂漏欲沉。安知  
非夢寐。相對帝城陰。

賈省曾 省曾字勉之。吳縣人。嘉靖辛卯舉人。

江南曲

旖旎綠楊樓。儂傍秦淮住。朝朝見潮生。暮  
暮見潮去。 有情而必盡言。此詩味所以備  
也。只此說住見言外有無限情事。

錢

嶺

嶺守君望南通州人嘉靖壬辰進士歷官參議

憫黎詠

嘉靖戊申崖吏失御重以積蠹之餘  
群黎遂叛攻掠城邑遠近緝騷撫者  
無策漫以牛酒從事越歲不戢當路  
請命征討予分典戎事深悼誅夷之  
慘用廣咨諫卒藉天威誅獲渠首賊  
蕩醜類總五千餘級皆村海屬悉歸

順焉庚戌夏四月三日凱奏底定追  
惟致寇有因覆車當戒感時述事潛  
然有懷

在昔逐古初鴻濛闢天地絕谷嶂南海深  
菁鬱蒼翠中有黎母居伊人尚蒙昧鑿井  
以飲渴農田亦時藝荒路暖匪通幾局或  
交市雖爾隔華界猶紀王正歲生黎若草  
木繁隕隨和厲熟黎若鳥獸獫狁無智慮

所以古先聖馭之以不治。

粵南本炎嶠。矧此瓊崖東。玄冬日且和。幽  
郊鮮陰風。花柳蔭廣隰。苗黍青芄芄。皇仁  
漸南極。草木均化工。豈獨茲黎人。物與非  
吾同。軍行值人日。感歎心沖沖。

朝發城東門。夕駐藤江壘。殺氣千層雲。狼  
師渡藤水。雞犬皆震驚。人民盡奔徙。海避  
愁蛟蛇。山匿畏虎兇。蛇虎猶可虞。狼毒不

可通。軍令甚分明。顛仆何由弭。伶俜泣路  
衢。迸淚不能已。嗟哉一將功。豈獨萬國毀。  
海南無猛虎。而有麋与麋。玄崖產珍木。種  
種稱絕奇。斯物出異域。頗為中國推。以茲  
至。徵索奔頰。令人疲。窮年務采獵。為官共  
饋儀。苦云近歲盡。每以充攜持。直欲訴真  
宰。鏹此蘇民脂。物理有固然。切怛令人思。  
葉落當歸根。雲沉久必起。黎人多良田。征

斂舌倍楚。誅求盡餘粒。尚豢犢與豕。昨當  
 痛吏來。宰割充盤几。吏怒反索金。黎民那  
 有此。泣向邊者借。刻箭以為誓。貸一每輸  
 百。股削痛入髓。生當剝肌肉。死則長已矣。  
 薄訴吏轉嗔。鎖縛不復視。黎兒憤勇決。挺  
 身負戈矢。鎗急千人奔。犯順非得已。赫赫  
 皇章存。今人棄如紙。

胡風戒良節。赫二張皇師。軍門號令嚴。震

肅將天威。壯士快鞍馬。鋒鏃如星飛。一舉  
 破賊壘。刀斧紛紜揮。剖尸越邱阜。踏血腥  
 川坻。白日暗西嶺。瘴氣昏餘暉。翅鼠墮我  
 前。創鳥逐人歸。征夫懷慘憂。涕泗霑我衣。  
 黎人本同性。云何發禍機。神武貴勿殺。不  
 在斬獲為息火。當息薪。弭兵當弭飢。誰生  
 此厲階。哲士知其非。治之以不治。馭遠人  
 然。然以兵戎於是與矣。誰生厲階至今為  
 梗末以弭飢為救亂之本是真能弭亂者

老成遠慮可垂炯戒後之  
柄國者尚其敬而听之

尹耕 耕字子莘蔚州人嘉靖壬辰  
進士官至河南按察僉事坐

劾成達至○子莘七言律本  
李空同派有秋笳時角之声

秋興

劍門千里接雲中。燧火清宵警報同。合陣  
戔窺青海月。鳴鞭爭下黑山風。冬殘戰士  
衣仍薄。歲歉孤城廩欲空。南國十年輸輓  
盡。防秋諸將漫論功。

十萬鳴弦報吉囊。野心狼子是花當。連姻  
故自輕中國。分道頻看入漢疆。推轂丈人  
空肉食。操戈遺孽尚蕭牆。不應干羽修文  
日。歲歲三閔有戰場。

威名萬里馬將軍。白首丹心天下聞。遼水  
旌旗餘殺氣。泰山松柏已高墳。條侯自靖  
中州變。寶憲曾銘塞外勲。獨倚凌煙思將  
略。暮天征雁下寒雲。



萬山環合蔚州城紫塞連雲朔氣清禾黍  
歲時供上谷烽煙日夜接神京九宮迤邐  
通軍壁高壘崔巍列虜營稍喜摧鋒章節  
帥能將俘獲謝蒼生

上谷歌

大寧無路援開平極目孤懸獨石城遙憶  
先皇親躍馬長驅絕塞苦提兵寒流河汨  
交樵徑野戍荒列漢旂千載土人談往

事伯顏山下有英聲

飛狐倒馬紫荆遠此去朝廷路一平向日  
北門嚴鎖鑰於今南牧盛風燭時名受服  
當關將歲德臨分破陣年願假精兵渡遼  
水莫令疲病久戍鎮

紫荆關

漢家鎖鑰惟立塞隘地旌旗見紫荆斥堠  
直通沙磧外戍樓高並朔雲平峰巒百轉

真無路草木千盤盡作兵。誰識廟堂柔遠意。戰門煙雨試春耕。

上谷歌上楚中丞

戍樓霜重角聲殘。策馬朝登十八盤。紫氣正當天北極。彩雲時見漢長安。誓將鎖鑰標銅柱。應有麒麟畫鐵冠。况是六龍巡幸地。至今谿谷尚鳴鑾。

春懷

春深閑塞尚屯兵。萬里防胡拱漢京。不為翠華臨遠道。豈應金甲廢深耕。轉輸坐見司徒急。經路親看相國行。莫訝至尊忘北顧。顯陵遷附聖人情。

往歲關山亦喪師。猶能不失漢旌旗。可憐虎帳分符日。偏是沙場棄甲時。白草自長驃騎壘。黃雲空壓李陵碑。書生無計當戎右。一劔真思報主知。

諸詩得少陵諸將遺意但少開闢變化所

以不逮  
古人

皇甫湜

湜字子安長洲人嘉靖壬辰進士官至浙江按察使事。

于安枕籍選休故五言自高其得風格而遺精理未云詰極也

送周氏

清晨餞我友。駕言遠徂征。前瞻齊魯墟。千里浮雲只親交。豈不昵。懷役不遑寧。曠野多悲風。揚塵翳邊庭。中衢雪霰集。辺馬寒無聲。蹊谷少行跡。側足橫層冰。回首望京

関。能不惻中情。子其祇自愛。順時保榮名。

秋日雜詩

廓處乏欢惊。出門眺長衢。悲風吹落日。四顧無行車。蹉跎失盛年。感欢獨嗟吁。况我在樊籠。六翮不能舒。撫劍思西邁。安得守故廬。淮陰困閭里。馬生志邊隅。桑梓豈我志。蓬蒿非我虞。行行舍此去。去去浮雲俱。

將命巡軺徙倚署閣

彌辰倦紛牘。徂春悵無樂。庶以散子襟。獨  
此稽山閣。霞蔚見層密。花深隱群壑。本自  
滄海人。悔吝淋靡爵。旋里東江輶。徘徊蒼  
林薄。俄頃惻幽衷。遇物悲離索。且憑浮雲  
征。聊希至人託。

發郡城之天台道中述所經覽寄  
友

夕夢層城阿。曉行滄波上。縈溪復合流。連

岑時。巖嶂風滿信。千轉雲峰非。一狀錦繡  
紛迎翫。氤氳忽彌望。蘭泉芬可掬。苔壁險  
難僂。思偕同懷子。攜手追禽尚。

雜興

鶩節流炎紀。馳暉屆清商。游魚湊重淵。蟋  
蟀鳴空堂。白露滋前除。陰風來北房。我心  
亦何思。所思天一方。離居宛如昨。再覩鴻  
雁翔。含情撫遙夜。中旦獨徬徨。哀彼采葛

詩零淚沾衣裳。

雪山歌奉寄彭太保

雪山嵯峨控西極。寒井陰光混開闕。千秋  
鳥道無陽春。北風慘淡吹峨岷。羽書宵過  
褒斜道。火入靈關徹昏曉。愁雲百里填城  
河。帳中銀燭然盤陀。將軍狐裘細馬馱。彈  
箏伐鼓金巨羅。指麾羽扇白玉珂。背河一  
戰收蓬婆。銘功刻石報天子。麒麟閣上事

已多。憶昔中原全盛日。八方無虞醴泉出。  
龍舉空悲劍鳥藏。海南漠北俱蕭瑟。君王  
垂衣念西土。錢塘老子不足數。彭公大梁  
佇獻捷。已見彤弓出天府。持節心知主恩  
重。八閔更識王臣苦。文武吉甫非公誰。臨  
洮健兒勇如虎。驥子朝披王壘雲。魚文夜  
濕金隄雨。閩中一月見節制。烹羊宰牛酌  
清醕。狼籍衣冠頌破竹。馬前父老稱安堵。

園陵佳氣春氤氳錦官城中日鼓舞當時  
 匹馬更朝天又逐輕車過酒泉勳名豈數  
 七十戰至今邊卒高枕眠归来謁帝承明  
 殿世事那知一朝變功成下吏古所悲浮  
 雲蔽日今曾見天下驚聞柏臺火匣內空  
 曲上方劍壯士長歌梁父吟孤臣獨泣瑤  
 池宴逆降落月照黃河榆谷飛塵暗蘭縣  
 武穆祠西秀水流一望江山淚如霰功成下吏

今古同悲改絃復調如宮聲之換羽也

西湖歌寄方思道

西湖窈窕三十里柳絲含烟拂湖水青山  
 蕩漾春水來蘇公隄邊花正開玉缸春酒  
 映江碧幾醉江邊柳花白城頭日出照高  
 樓銀箏翠管喧行舟吳姝如花捲綃幕山  
 水倒入金屏流朝來復脫千金駿還有狀  
 頭紫綺裘人生行樂莫顧惜落日松風吹

古邱我憶京華舊遊地。漁浦東看動愁思。  
醉裏空歌鏡湖月。夢中尚識孤山寺。信安  
使君還舊溪。應對花卮惜解攜。白沙翠竹  
無人問。湖上孤吟聞馬嘶。

再別兄弟作

可歎江潭客。重為魏闕游。河梁一悵望。芳  
草上含愁。隴樹三年淚。邊雲萬里秋。無由  
慰樓泊。羈影任悠悠。

蔡

楠楠字子木。德清人。嘉靖壬辰進士官至南京兵部侍郎。

晚晴

山晴欲暮天。山色轉蒼然。泉落雲中磴。溪  
迴樹杪船。斜明沙際日。遠遍綠蕪煙。還見  
鳧鷖伴。閒飛秋水前。

黎民表

民表字維敬。從化人。嘉靖甲午。主人官至布政司參議。

紫荆門

坐轉蛇盤險。雲連鳥去長。山桃微著紫。沙

柳不成黃重鎮臨天府神功畫大荒金城  
誰獻議老作尚書郎

橫翠樓

高樓當絕塞春望轉氤氳百戰全燕地千  
重大漠雲控弦無掠騎飲羽憶將軍老去  
親戎馬悲船向夕聞

同廊別駕蔡山人登九成臺

芙蓉秀色半陰晴影入空江百丈深紫閣

御垂星宿象碧天吹落鳳鸞音烽塵正星

談兵日雲路誰為出世心風景故園猶想

象丹梯吾肯倦登臨

沈鍊鍊字純甫會稽人嘉靖戊戌進士除清豐知縣入為錦衣

衛經歷坐劾嚴嵩廷杖歸田保安州身為奸黨所陷戮於邊陲慶初贈光祿寺少卿諡忠愍

寄馮敬叔

同作他鄉客嗟子更滯留關山明月夜邊



塞白雲秋漢闕。孤臣夢胡笳。萬里愁。桑乾河水近。知是憶并州。

得應職方書詩以答之

即署飛符日。題書問謫居。自因鄉使到。翻覺舊交疎。塞月塵沙裏。邊風鼓角餘。誰知遷客夢。夜夜繞鸞輿。鹿是謫成後作

送朱子南還

十年辛苦在京華。夢裏何時不見家。三。

若耶溪畔月始知楊柳隔天涯

翁大立大立字備參餘姚人嘉靖戊戌進士官至南京兵部尚書

吳諷

舊徵未云已。府帖重徵新。昨朝銀花布。今日金花銀。侵晨趨城府。薄暮偏鄉鄰。一身應重役。奔走無定晨。父母生我時。胡不百我身。殘軀被筆楚。苦切難具陳。寧為乞市。是莫作當官人。銀花布金花銀當日徵稅名目惟吳地行之

王問 問字子相無錫人嘉靖戊戌進士官至廣東按察僉事及

奉門人私謚文清

自山中泛湖歸

登踐窮幽深下山日已晚餘照留青蘋歸  
雲度蒼巘對此生遠心返棹意自緩川塗  
風浪平沿流弄清淺

贈吳之山

城析声声夜未央江雲初散水風涼看君

已作無家客猶是逢人說故鄉 其声冲以哀

徐文通 文通字汝忠永康人嘉靖里及進士歷官山東按察副使

岱宗

岱頂凌霄十八盤中原蕭瑟思漫漫振衣  
日觀三秋曙倚劍天門六月寒風雨黃河  
通瀚海星辰紫極近長安小臣願獻蓬萊  
頌聞闈高懸謁帝難

陳臯謨 臯謨字思贊江陰人嘉靖甲辰進士歷官南京工部郎中

環縣城遠眺

靈武孤城雲色開，感時還上最高臺。山樓  
風急熊旗動，問塞天連鳥道回。經略久寒  
西夏膽，安危深仗北門才。殊方獨抱懷鄉  
思，日暮愁聞畫角哀。

張居正

居正字叔大，江陵人。嘉靖丁未進士，以庶吉士歷官禮部

尚書八門官至太師諡文忠

舟泊漢江望黃鶴樓

楓林霜葉淨江煙，錦石游魚清可憐。賈客  
艇檣雲裏見，仙人樓閣鏡中懸。九秋杳影  
橫清漢，一笛梅花落遠天。無限滄洲漁父  
意，夜深高詠獨鳴舷。

楊繼盛

盛字仲芳，容城人。嘉靖丁未進士，官兵部員外郎，坐論

勇市張狄道典史事，入為戶部員外，調兵部疏劾嚴嵩論死，贈太常少

忠愍

送徐子與讞獄江南

寒落白雲司半虛看君此去更何如西曹  
月滿幽人榻南國星隨使者車塞雁不堪  
行所候秋風况是葉飛初秣陵故舊如相  
問為道疎狂病未除燒而多風

楊

魏字伯謙海豐人嘉靖丁未進士知武進縣入為兵科給

事中是官吏部尚書進少保太保

早秋登龍門城樓

指點雲州地真為漢北門入城臨大漠一

路向中原晴日山川映秋田禾黍繁文莊  
經略處父老至今言

蕭閑北作

塞路山難斷胡天雲不開遙驚戍火起數  
見羽書來周室朔方郡唐家靈武臺客心  
正多感羌笛暮堪哀

姚汝循汝循字叔卿上元人嘉靖丙辰進士官至大名知府

郡齋詠懷

巴江清且駛。日有東歸舟。凜凜歲復暮。而我何淹留。才不瘳民瘼。位固忝邦侯。負擔過所任。跼踖增煩憂。南山有薄田。猶堪具膳羞。棄捐久不理。狼莠將盈疇。至道貴兼濟。豈固為身謀。十羊方九牧。雅志悵悠悠。安能逐時態。坐取素餐尤。

章崑岡別駕邀登城南樓

樓前新漲迴浮天。把酒登樓思渺然。白鳥

於人如有識。青山何處不堪憐。孤舟漁火炊寒渚。蕭寺昏鐘起暮煙。簿領稀疎逢勝景。誰能獨醒向尊前。

魏時亮

時亮字敬吾南昌人嘉靖己未進士官至南京刑部尚書

平壤拜箕子墓并訪井田遺跡

禹。範。留。西。土。孤。臣。獨。向。東。道。無。浮。海。歎。義。與。采。薇。同。舊。井。存。殷。畫。遺。黎。尚。古。風。荒。邱。平。壤。外。麥。秀。想。遺。宮。  
柳州碑文盡四十字  
山安放妥帖神完氣

申時行

時行字汝默吳縣人嘉靖壬戌賜進士第一累官少師兼

吏部尚書贈大師諡文定

題清秋出塞圖

生不識醫無閭夢不到狼居胥  
警然示我出塞圖令我目眩心神徂  
憶昔籌邊贊廟謨桓桓司馬傑丈夫  
帝授節鉞臨玄菟高憑熊軾佩虎符  
榆關九月沙草枯霜鷹下

擊秋原無煙荒雲慘天模糊惟茲遼左僻  
海隅頻年侵擾無寧都射雕躍馬膏強弧  
司馬申令陳師徒指揮鐵如意玩弄金僕  
姑揚旌督戰親援枹萬卒起距爭先驅奔  
狼突豕皆就俘凱歌入奏天顏愉司馬讓  
功歛若無但云將士多勤劬何以勞行役  
請蠲幕府租何以恤飢疲請發司農儲人  
人挾纊齊欢呼自從司馬壯江湖遼人茹

苦若董茶荷。戈不解。甲挽粟。仍飛芻羽。機  
微材官絡繹。在道途。震鄰之。恐非剝膚。騷  
動根本。何為乎。安得再起。司馬登戎。極坐  
紆長策。銷隱虞。國威震。疊邊人。蘓安邊之  
得人与轉輸二者失而邊事壞矣篇內具有識力

大閱詩應制

廟略收群策。宗遊簡六師。代當全盛日。春  
是大蒐時。雲捲蒼龍駕。風迴翠鳳旗。轅門

開復道。帳殿繞行麾。細柳前軍駐。長楊後  
騎隨。虬鬚天策將。猿臂羽林兒。拂劍星文  
動。彎弓月影披。連營分雁翼。布陣合魚麗。  
禮示三驅正。鋒藏九變奇。張侯仍是豹。賈  
勇盡如羆。計滿隻鷗落。騰空萬馬馳。元戎  
歸節制。法從肅威儀。詎教誇胡獵。還欣奏  
凱期。大武歌漢士。吉日誦周詩。我祖犁庭  
烈。先皇保泰規。永言思繼述。推以贊雍熙。

本於文皇之犁庭孝宗之保  
奏寓規於頌大臣進言之体

唐 錢錢字君錫蘭溪人嘉靖癸  
外奉人官任楚府長史

江行

客計方归越。征橈更背吳。風螢臨水亂。江  
月向人孤。洲已過。迷子山猶及。望夫可憐  
清夜色。强半在長途。

許邦才邦才字殿卿歷下人嘉靖癸  
外奉鄉試第一官德府長史

沐河守凍

客館寒燈淚滿襟。間關萬里欲歸心。眼前  
一水米霜苦。又說三江瘴癘深。

皇甫濂濂字子均長洲人嘉靖  
甲辰進士官興化同知

悼子乘


溟溟雨露集。熙熙歲始更。靈蠢各有化。人  
理獨無生。念我泉下子。一絕如朝榮。生男  
以待終。胡為遺天笑。清塵布虛室。寒暄凝  
軒屏。宿草旅庭薦。哀鳥為悲鳴。悵恍鯉趨



日禮訓猶用情流目無存影涕淚交霑纓  
惘憂何能已歎息每遺聲堂闈曠基迹詩  
書空復盈笑但腸九迴心膺成頽崩慄之  
延陵達無乃傷吾明

不赴郡檄答子循兄

矯翮思奮翥游鱗托淵沉物類各有適殊  
塗難並尋豈伊世網慮擾擾誰爲心振衣  
還東山寢迹棲舊林江海多風濤所楫弭  
川陰無令衝波激但恐歲序侵願言謝  
府谷口有微音



明詩別裁集卷八

長洲 沈德潛 周準 欽萊 同輯

李攀龍 攀龍字下鱗 歷城人 嘉靖甲辰進士官至河南按察使

歷下詩元美諸家推獎過盛而受之

措手謹呼叫吹幾至身無完膚皆堂

同伐私之見也分而觀之古樂府及

五言古亂臨摹太過痕跡宛然七言

律及七言絕句高華矜貴脫去凡庸

去短取長不存意見歷下之真面目

出矣。七言律已臻高格未極寔態

七言絕句有神無迹語近情深故應

跨越  
餘子

錄別

顏色無常好。春華一以零。悲風蔽地來。四  
顧何冥冥。寤言懷往路。攬衣從此興。寒氣  
拳毛髮。涕泗斷為冰。仰視河漢星。離如水  
中萍。景光不戀人。遊子豈遑寧。夜依牛羊  
宿。日驅鴛馬行。努力及明時。安能愛其情。

又錄別

秋風西北來。蕭蕭動百草。蕩子無家室。悠  
悠在長道。紅顏能幾時。棄捐一何早。對客  
發素書。零涕復盈抱。上言故鄉好。下言故  
人老。淺七語道  
得情出

古意

秋風西北起。吹我遊子裳。浮雲從何來。安  
知非故鄉。蕭蕭胡馬鳴。翩翩下枯桑。暮色  
入中原。飛蓬轉戰場。往路不可懷。行役自

悲傷。浮雲十字  
殊近古人

和許殿卿春日梁園即事

梁園高會花開起。直至落花猶未已。春花  
著酒酒自美。丈夫但飲醉即休。纔到花前  
無白頭。紅顏相勸若為留。春風何處不花  
開。何處花開不看來。看花何處好空回。

三韻末三句纏聯  
而下格調甚新

歲杪放歌

終年著書一字無。中歲學道仍狂夫。勸君  
高枕且自愛。勸君濁醪且自酤。何人不說  
官遊樂。如君棄官復不惡。何處不說有炎  
涼。如君杜門復不妨。縱然踈拙非時調。便  
是悠悠亦所長。

黃河

復就三秦役。還為四牡歌。北風揚片席。大  
雪渡黃河。才豈諸郎少。名非一郡多。儒官

明主意吾道好蹉跎。

廣陽山道中

出峽還何地。松杉鬱不開。雷聲千嶂落。雨色萬峰來。地勝紆王事。年餓損吏才。難將憂國意。涕泣向蒿萊。

崔駙馬山池燕集得無字

主家池館帝城隅。上客相如漢大夫。十里芙蓉迎劍舄。一樽風雨對江湖。橋邊取石

鯨飛動臺上。吹簫鳳有無。向夕不堪車馬

散。朱門空鎖月明孤。玩末句應主亡之後

初春元美席上贈謝茂秦得閑字

鳳城楊柳又堪攀。謝眺西園未擬還。客久高吟生白髮。春來歸夢滿青山。明時抱病風塵下。短褐論交天地間。閑道鹿門妻子在。祇今詞賦且燕閑。誦五六語如見茂秦意氣之高應求之廣

同元美子相公實分賦懷泰山得

鐘字

域內名山首岱宗。側身東望一相從。河流  
曉挂天門樹。海色秋高日觀峰。金篋何人  
探漢策。白雲千載護秦封。向來信宿滕蓂  
外。杖底西風萬壑鐘。第二語弱。附記趙  
鶴登岱句云。山壓星  
辰從下看。海浮天地自東迴。胸中  
不知吞幾雲。夢也惜通篇不稱

送皇甫別駕往開州

銜杯昨日夏雲過。愁向燕山送玉珂。吳下

詩名諸弟少。天涯宦迹左遷多。人家夜雨  
黎陽樹。客渡秋風瓠子河。自有呂虔刀可  
贈。開州別駕豈蹉跎。濟南論七律云。王維  
數篇知得力。有由

送趙戶部出守淮陽

仙郎起草漢明光。幾載軍儲事朔方。五馬  
新為淮海郡。三臺舊署度支章。行車麥秀  
隨春雨。卧閣花深對夕陽。時憶上林詞賦

客。鴻書。送下楚雲長。

送暉員外按察郢中

醉擁驪駒不可留。送君花發鳳凰樓。青春  
開府西陵色。到日登臺北雁愁。寒雨遠分  
荆楚望。白雲無盡漢江流。共知人世悲難  
合。倘得隋珠莫暗投。

送陸從事赴遼陽

御苑東風吹客過。共看芳草有離河。西山

晴雪鴻邊盡。北海春雲馬上多。地險時窺  
玄菟郡。天驕夜遁白狼河。知君幕下參高  
畫。諸將何時議止戈。

上朱大司空

河隄使者大司空。兼領中丞節制同。轉餉  
十年軍國壯。朝宗萬里帝圖雄。春流無恙  
桃花水。秋色依然瓠子宮。太史但裁溝洫  
志。丈夫何減漢臣風。

懷子相

菊。門。秋。杪。送。仙。槎。此。日。開。尊。感。歲。華。卧。病。  
山。中。生。桂。樹。懷。人。江。上。落。梅。花。春。來。鴻。雁。  
書。千。里。夜。色。樓。臺。雪。萬。家。南。粵。東。吳。還。獨。  
往。應。憐。薄。宦。滯。天。涯。

趙州道中憶殿卿

憶。爾。檐。帷。出。牧。年。風。塵。誰。識。使。君。賢。政。成。  
神。雀。猶。堪。下。興。盡。冥。鴻。遂。杳。然。樹。色。遠。浮。

疎。雨。外。人。家。忽。斷。夕。陽。前。重。來。此。地。逢。寒。  
食。何。處。看。春。不。可。憐。

平涼

春。色。蕭。條。白。日。斜。平。涼。西。北。見。天。涯。惟。餘。  
青。草。王。孫。路。不。屬。朱。門。帝。子。家。宛。馬。如。雲。  
開。漢。苑。秦。兵。二。月。走。胡。沙。欲。投。萬。里。封。侯。  
筆。愧。我。談。經。鬢。有。華。

杪秋登太華山絕頂



縹緲真探白帝宮。三峰此日為誰雄。蒼龍  
半挂秦川雨。石馬長嘶漢苑風。地做中原  
秋色盡。天開萬里夕陽空。平生突兀看人  
意。容爾深知造化功。滄溟詩有虛响有  
沉著此沉著一路

郡城送友人

西來山色滿城頭。東望漳河入檻流。傲吏  
歲時頻卧閣。故人風雨一登樓。亂離王粲  
逢多病。著作虞卿老更愁。君到長安相問

訊誰憐。五月有披裘。

張駕部宅梅花

仙郎雪後建章迴。清夜西堂擁上才。笛裏  
春愁燕塞滿。梁間月色漢宮來。即看芳樹  
催顏鬢。莫厭寒花對酒杯。共憶故人江北  
望。因君賦罷倚徘徊。

送楊給事河南召募

醜虜休南牧。朝廷議北征。幄中新授律。天

下大徵兵。使者持符出。君推抗疏名。黃金  
 秋突兀。白羽日縱橫。嶽雪三花秀。河水萬  
 馬行。將軍邀劇孟。公子得侯嬴。屠販多豪  
 傑。風塵鬱戰爭。有呼皆左袒。無役不先鳴。  
 寧久燕山戍。終期瀚海清。過梁投賦筆。更  
 為請長纓。

七少集元美宅送茂秦

祖席陳瓜果。征衣理薛夏。雲邊看露掌。花

裏出星河。仙吏揮金椀。佳人罷錦梭。新知  
 天上少。秀句鄴中多。踈拙時名忌。雄豪虜  
 障過。秋風吹鬢髮。落日渡滹沱。七首荆卿  
 贈。刀頭桂客歌。明年見牛女。能不憶羊何。

塞上曲送元美

白羽如霜出塞寒。胡烽不斷接長安。城頭  
 一片西山月。多少征人馬上看。送元美寄

可使樂  
 人歌之

送子相歸廣陵

廣陵秋色雨中開。繫馬青楓江上臺。落日  
千帆低不度。驚濤一片雪山來。

寄元美

薊門城上月婆娑。玉笛誰為出塞歌。君自  
客中聽不得。秋風吹落小黃河。  
漁陽烽火暗西山。一片征鴻海上還。多少  
胡笳吹不轉。秋風先入薊門關。

於郡城送明卿之江西

青楓颯颯雨淒淒。秋色遙看入楚迷。誰向  
孤舟憐逐客。白雲相送大江西。

懷明卿

豫章西望彩雲間。九派長江九疊山。高卧  
不須窺石鏡。秋風憔悴侍臣顏。

贈梁伯龍

太華峰頭玉女壇。別時明月滿長安。不知

秋色今多少。君到仙人掌上看。

春日聞明卿之京却寄

十載浮雲傍逐臣。歸來不改漢宮春。摩挲金馬官門外。誰識當時諫獵人。

輓王中丞

中丞名惲元美父也為分宜嚴氏所害

司馬臺前列柏高。風雲猶自夾旌旄。屬鏤不是君王意。莫作胥江萬里濤。為中丞吐氣而忠厚

之意死然

幕府高臨碣石開。劄門丹旆重徘徊。沙場入夜多風雨。人見親提鐵騎來。

和聶儀部明妃曲

天山雪後北風寒。抱得琵琶馬上彈。曲罷不知青海月。徘徊猶作漢宮看。不著議論而一切著議論者皆在其下此詩下也

觀獵

胡鷹掣鋏北風迴。草盡平原使馬開。臂上

角弓如却月。當場意氣射生來。

章美中

美中字道華。吳縣人。嘉靖丁未進士官至憲副。

暮相思

征帆日已遠。回波不相待。暝色孤峰來。故鄉何處在。日淡墟裏煙。雲盡天邊海。如何暮相思。坐令鬢容改。

仲春虎邱

孤閣生殘照。平臺下夕陰。疎鐘不知處。人

影在花林。古刹雲光杳。空山劍氣深。依依池上月。猶復照登臨。

初秋感懷

秋風吹海水。夜色一何長。思婦樓頭月。征人馬上霜。亭臯雲稍白。隴坂葉初黃。物候堪銷落。應憐杜若芳。

送人

送子薛芟別。悠悠鸞鶴羣。乱山秋雨歇。蘇

驛暮濤分。去國見飛鳥。思家生白雲。闔閭城上月。清影為留君。

秋思

涼風起。燕趙萬里浮雲陰。思婦驚秋葉寒。登啼暮林。霜催銀箭色。雁度玉關心。蕭瑟江潭客。芙蓉孤渚深。

王世貞

世貞字元美太滄州人嘉靖丁未進士官山東副使以父難解官後補大名兵備歷任至刑部尚書。今州天分既高李殖亦富自

研瑣木難以及牛溲馬勃無所不有樂府古体高出歷下何啻數倍也言近体亦規六家而鍛鍊未純故華賸之餘時露淺率選中嚴加汰存不使胡元瑞諸人得藉口也

天門開

天門旭呀然。豁豁混沌金精發。森若電燭橫。漢十二樓。裊魚貫。琉璃蹙階火。齊塗圮光液。四射不可仰。視屏翳走。行約馳霓旌。壽若搖支朱。明曜以東起。纖阿迫以西垂。

白榆歷歷河之湄。天漿滌洄示昭儀。天門  
 開朝紫宮。中有使者冠芙蓉。朱衣璧簡縹  
 緗青。類有疑無觸。若冥將上帝。命况群生  
 顛精稽懇臚。所希惠我來。思庇蒸黎。維七  
 帝功斂希夷。光采灼燦不  
 必盡規漢樂

戰城南

戰城南。城南壁。黑雲壓我城北。伏兵搗我  
 東。遊騎抄我西。使我不得休息。黃塵合匝。

日為青天模糊。鉦鼓發。亂譁呼。胡騎歛颯  
 迅驅。樹若薺草為枯。啼者何。父收子。妻問  
 夫。戈甲委積。血淹頭顱。家家招魂。入隊隊  
 自哀。譁告主將。主將若不知。生為邊陲士。  
 野葬復何悲。釜中食。午未炊。惜其倉皇。遂  
 長訣。焉得一飽為野風。騷屑魂依之。曷不  
 覩主將。高牙大纛。坐城中。生當封微侯。死  
 當廟食無窮。黃主合西三語寫出古戰場  
 未即死是征人死功是將軍

功意特變  
化無迹

欽鴟行山海經欽鴟圖贊欽鴟及

崑崙之東

飛來五色鳥。自名為鳳凰。千秋不一見。見者國祚昌。響以鐘鼓坐明堂。明堂饒梧桐。三日不鳴意何長。晨不見鳳凰。鳳凰乃在東門之陰。啄腐鼠。啾啾唧唧不得哺。夕不見鳳凰。鳳凰乃在西門之陰。媚蒼鷹。願爾

肉糞分遺。梧桐長苦。寒竹實長苦。饑

鳥驚相顧。不知鳳凰是欽鴟。應指分宜言

天下以姚宋目之。故有千秋不一見見者。國祚昌之語。

將軍行

婁豬化為龍頭角。故不分貪狼長百獸。那不食其羣。有何短老公。自稱大將軍。從兵三十萬。華蓋若飄雲。尺一丹稜篋。細刺蛟螭文。一署臣某字。直入銅龍門。忽開青天



笑。雷公不得聞。碧眼雙胡兒。慣騎大宛駒。  
 與公同卧起。辮髮貂襜褕。朝令謁天子。暮  
 令拜單于。單于開篋看。中有尺一書。織成  
 紫羅瑜。恰恰覆窮盧。犀毗黃金造。蜜嵌珊  
 瑚珠。團龍五色帛。百匹為一角。單于大歡  
 喜。親為割肉災。小婦彈琵琶。大婦奉羊酪。  
 手取一束箭。墨文何錯落。為語而將軍。物  
 微意不薄。箭鋒但相近。各各相引却。

告將軍將軍大歡喜。今年胡却去。好復開  
 茅土。幕府上功簿。兩胡對金紫。鬼伯何催  
 促。將軍向萬里。嚴霜一夜零。華堂遍荆杞。  
 翩翩執金吾。緹騎類貔虎。急為發其私。丞  
 相下御史。支磔將軍骸。分梟十二邊。車裂  
 兩胡兒。剗肉施烏鴛。紅顏夫人婦。懸首映  
 旌旃。白面羽林郎。含咽向重泉。少女配人  
 奴。歌舞侯家筵。田園億千疆。各自稱新阡。

生為衆人恨。死為衆鬼憐。寄語二心臣。貽  
昊空萬年。此詩為仇鸞作。鋪叙豐腴中帶  
古勁。最近漢人。又有袁江流一  
章。紀嚴氏父子事。做焦仲卿  
妻詩。緣摹倣有痕。故不錄。

遙望北邙山

遙望北邙山。塚墓鬱相樛。石獸蹲草間。妖  
狐誤來求。斧斤焉施伐。原宥各趨疇。積泯  
漸成無。焉能覩其由。生時藉世贏。跡往神  
不留。豈若蓬蒿士。一語為千秋。

過維揚有懷子相

淮南萬木落。蒹葭鴻雁秋。迴瞻大江永。極  
眺黃河流。念此區中士。天翰阻同游。巖七  
麗神京。英俊滿賓幃。豈乏攜手好。抗志乃  
綢繆。浮沉衆自覩。安測衷所由。奈何各分  
離。微音邈以脩。子如宵行燭。分輝均道周。  
子如汀際鴛。哀鳴望其儔。

過長平作長平行

世間怪事那有此四十萬人同日死白骨  
高於太行雪血飛迸作汾流紫銳頭墜子  
何足云汝曹自死平原君烏鴉飽宿鬼車  
哭至今此地多愁雲耕農往往誇遺跡戰  
鏃千年土花碧即令方朔澆豈散總有巫  
咸招不得君不見漸安一夜秦人愁二十  
萬鬼声啾啾郭開賣趙匕高出秦璽忍送  
東諸侯說出天道好還使窮兵黠武者知戒

贈梁公實謝病歸

汝謀結室羅浮頂下飲仙入葛洪井桂樹  
宛宛山日深松花濛七白雲冷我亦欲買  
蜻蜒舟歸與少年為薄遊采蓮一曲杳然  
去得醉即卧青溪頭

送盧生還吳

盧生善詩逸者流百結鸚鵡安足愁輾然  
一笑別我去春花落盡胡姬樓欲留不能

意彌惻。衆中誰憐好顏色。短喪倘過邯鄲道。青草已沒平原宅。吳趨小娃迎問郎。北游滿地塵茫七。采菱深處唱一曲。豈若盧笮能斷腸。

酹孫太初墓

死不必孫與子。生不必父與祖。突作憑陵千古人。依然寂寞一杯土。道場山陰五十年。那能華表鶴來遊。君看太華蓮花堂。應

有笙歌在上頭。山人白應爾上

陵祀

松楸何不極。復道見行宮。劍佩千官月。橋陵萬馬風。地迴山盡拱。雲合樹俱雄。白首先朝事。傷心滄浪中。

自夾山起顏神感古

千秋此夾谷。駐馬意徘徊。蒼嶺爭何向。青天線劃開。人疑懸索度。水憶建瓴來。回首

兵車地。虛生命世才。

陪段侍御登靈巖絕巔

徑折全疑盡。峰迴陡自開。蒼然萬山色。忽  
擁岱宗來。碧澗傳僧梵。青天落酒杯。雄風  
別有賦。不羨楚蘭臺。蒼然二語可匹  
空同泰山詩

登太白樓

昔聞李供奉。長嘯獨登樓。此地一畝顧。高  
名百代留。白雲海色曙。明月天門秋。飲

重來者。潺湲洛水流。

天空海澗有此限界  
集力主書作登太白

詩

送顧舍人使金陵還松江

汝豈因鱸膾。吾曾識鳳毛。青雲歸暫得。白  
雪和誰高。海色鍾山雨。秋聲笠澤海。南征  
有諸將。為語聖躬勞。

送張虞部伯啓左遷常州別駕

把袂翻輕別。沾膺自感時。主恩遷地近。吾

月詩別

卷

道小臣。宜月迴延陵劍。潮平太伯祠。古入  
崇退讓。今子莫婁其忠。

亂後初入吳舍第小酌

與爾同茲難。重逢恐未真。一身初屬我。萬  
事欲輸人。天意寧羣盜。時艱更老親。不堪  
追往昔。醉語亦傷神。一身初屬我。與書到  
汝為人各極沉痛。

庚戌秋有約吳峻伯不就賦此

漢樹淹胡月。天都拂塞塵。九關虛虎豹。層  
閣望麒麟。社稷羣公手。兵戈一介身。請纓  
還請劍。慷慨涕沾巾。

義士李國卿歸骨長山哭以送之

生死銜恩在。間關病骨遙。刀頭空自卜。匕  
首為誰驕。風色田橫館。寒雲豫讓橋。豈無  
心一寸。魂斷竟難招。

書庚戌秋事

傳聞胡馬塞回中。候火甘泉極望同。風雨  
 雖戈秋入塞。雲霄玉几晝還宮。書生自抱  
 終軍憤。國士誰議魏絳功。北望蒼然天一  
 色。漢家高碣倚寒空。  
三句言宣大兵入援  
 四句言上自西苑還  
 也大內

登岱

尚憶秦松帝蹕留。至今風雨未全收。天門  
 倒瀉銀河水。日觀翻懸碧海流。欲轉干盤

迷積氣誰從九點辨。齊州人間處七襄城。  
 輒矯首蒼茫迴自愁。

壁立芙蓉萬古看。削成松檜隱高盤。中峰  
 翠壓徂徠色。絕頂青收碣石寒。梁甫吟成  
 還自和。茂陵書就欲誰干。依稀白馬吳閭  
 在。欲向秋風問羽翰。

軒轅黃帝有高臺。鞭石千秋輦道開。匹練  
 天縈吳觀出。金泥日射漢封回。西盤瓠子

明詩別裁集卷八  
河如帶東挂扶桑海一杯誰為登壇論王  
氣祇應塵世有仙才

盤山

千盤歷盡更茫然回首中原暝色邊  
峽轉琳官藏漢月峰排紫劍插胡天  
雲根檜圻龍鱗起磴道泉歸玉乳懸  
深夜不須礮鼓吹看子箕坐嘯風前

行部高陽過河決不浸三板

投馬虛疑捷石城射蛟或恐海神驚  
陸沉玄圃千峰細天倒黃河玉蝶平  
漸老中原魚沸鬱欽歸南極虎縱橫  
濁醪誰是高陽侶遙夜窮愁白髮生

同省中諸君過徐文

詞客真同河朔遊主人偏解孟公留  
高城過雨涼生席殘夜花明月滿樓  
紫玉行杯彈出塞紅牙催拍按梁州  
更憐少日閭門



白音先考集卷之八  
三  
侶。菱葉芙蓉湖上舟。

立春前一日過尹汝漁副使飲

東走齊河水雪開。鬱蔥佳氣近樓臺。相逢  
臘向尊中盡。敢道春從使者來。落日千門  
飛鴈去。黃雲一騎按雕迴。知君且住表絲  
里。陸博酣歌未易才。

寄家弟振美

江頭風色峭帆新。江雁銜蘆來往頻。握手

已非生別地。題詩還是暫時人。天橫北海  
書難信。日落吳門練未真。俗做汝曹無可  
却。時違豺虎即須親。應是家  
難後詩

寄耿中丞子承

黃龍東去海雲低。玄菟城頭烏夜啼。帳下  
青羌新屬國。軍中白馬舊安西。牙旗月擁  
諸陵出。甲帳天迴萬蝶齊。最是駝酥爭捧  
處。不妨飛捷醉中題。

送徐子與祀康陵

佳城蔥鬱鎖楸梧。武帝神遊定有無。金榜  
 星辰千嶺通。翠旗風雨萬靈趨。俱傳駿足  
 留。瑶海亦有龍髯隨。鼎湖此日詞臣空灑  
 淚。獻陵春望已模糊。題祀康陵結到望大  
 陵見遺澤在人不忍也

戚大將軍入帥禁旅在駕草堂賦

此贈別

半誤儒生

送妻弟魏生還里

阿姊扶牀泣。諸甥繞膝啼。平安只兩字。莫  
 惜過江題。

從軍行

蹋臂歸來六博場。城中白羽募征羌。相逢  
 試解吳鉤看。已是金河萬里霜。

西宮怨

點點蓮花漏未央。乍寒如水浸羅裳。誰憐金井梧桐露。一夜鴛鴦瓦上霜。

飲歐陽鎮朔即事有贈

旌旗春偃白龍堆。教客休停鸚鵡杯。歌舞未殘飛騎出。月中生縛左賢來。

廣陵訪周公瑕不遇

豪華自古讓維揚。一水橫江即異鄉。二十四橋歌吹遍。不知何處覓周郎。

戚將軍贈寶劍歌

毋嫌身價抵千金。一寸純鈎一寸心。欲識命輕恩重處。灞陵風雨夜來深。

曾向滄流割怒鯨。酒闌分手贈書生。芙蓉澁盡魚鱗老。總為人間事漸平。

謝榛字茂秦。臨清人。自稱四溟山人。四溟五言近体句烹

字鍊氣逸調高。七子中故推獨步。古也。体局守規格有宗法。而無生氣。弗取

榆河曉發

朝暉開眾山。遙見居庸關。雲出三邊外。風生萬馬間。征塵何日靜。古戍幾人閑。忽憶棄繻者。空慙旅鬢斑。  
讀風生萬馬間紙土有聲若衍成二語氣味便薄

大梁冬夜

坐嘯南樓夜。孤燈客思長。人吹五更笛。月照萬家霜。歸計身多病。生涯鬢易蒼。正鳴

向何許。春意遍湖湘。

居庸關

控海幽燕地。彎弓豪俠兒。秋山牧馬處。朔塞用兵時。嶺斷雲飛迴。關長鳥度遲。當朝有魏尚。復此駐旌旗。

送謝給事封蜀

使星巴蜀外。漢節夜郎西。樹斷分金馬。江清見石犀。王孫重茅土。天子錫桐圭。異世

白詩別者集卷八  
懷張載應留劔閣題

渡黃河

路出大梁城。関河開曉晴。日翻龍窟動。風穩雁沙平。倚劔嗟身事。張帆快旅情。茫茫不知處。空外權歌聲。翻字掃字得少陵詩眼法

初冬夜同李伯承過若雲寺

並馬尋名寺。登高藉短筇。飛泉鳴古澗。落月在寒松。石路經千轉。雲巖復幾重。人間

多夢寐。誰聽上方鐘

李行人元樹宅同謝張二內翰話

洞庭湖

南望岳陽郡。蒼茫吳楚分。帆迴孤島樹。樓出九江雲。落日波中沒。秋風天外聞。何時采蘋藻。湖上弔湘君。

暮秋簡徐別駕載卿

南征秋轉劇。不寐夜漫漫。白髮艱虞出。滄

洲去住難旌旗連野暗兵甲照江寒選將  
須臾事誰能議築壇

元夕道院同公實子與于鱗元美

子相五君得家字

長空月正滿遊騎隘京華夜火分千樹春  
星落萬家乘閑來紫府垂老問丹砂笙鶴  
歸何處依稀見彩霞

春星五字亦警亦秀自能高屋滿坐

七夕敬二君餞別得秋字

北斗挂城頭明河迥不流人間清露夜天  
上白榆秋聚散多歧路悲歡自女牛誰知  
老來拙回首故鄉樓

與朝暉開泉山一種起手

送樊侍御文叙之金陵

地入維揚路天分牛斗墟秋帆二水外春  
草六朝餘冰雪生官舍風塵走諫書從來  
經國者寧不念樵漁

送欽水部子辰之沛中

清標憐水部。南去意何窮。樹色分淮甸。河  
流見禹功。亂帆春草外。古堞暮雲中。感慨  
登臺處。蕭七起大風。

有感

薄伐元中策。論兵自古難。漢唐頻拓地。將  
帥幾登壇。絕漠兼天盡。交河蕩日寒。不知  
大宛馬。曾復到長安。

野興

白白霜凝地。飛七鴈渡河。孤峰依漢迥。老  
樹得秋多。月曉山精伏。時清野父歌。短筇  
隨我意。一徑入煙蘿。

秋日懷弟

生涯憐汝自樵蕪。時序驚心尚道途。別後  
幾年兒女大。望中千里弟兄孤。秋天落木  
愁多少。夜雨殘燈夢有無。遙想故園揮涕  
淚。况聞寒鴈下江湖。

夜話李孺長書屋因懷其尊君左  
納言

忘年爾我重交情。論事相同見老成。月到  
廣除寒。有色鴉歸疎柳夜無聲。三農最苦  
江南稅。百戰方休海上兵。歲暮銀臺應感  
歎。幾人封事為蒼生。  
時江南增稅海寇方  
息山人感事及之非  
泛作憂  
時語

中秋宴集

滿空華月好登樓。坐倚高寒攬翠裘。江漢  
光翻千里雪。桂花香動萬山秋。黃龍塞上  
征夫淚。丹鳳城中少婦愁。詞客共耽今夜  
酒。漫彈瑤瑟唱伊州。

送謝武選少安犒師固原因還蜀  
會兄葵

天書早下促星軺。二月關河凍欲銷。白首  
應憐班定遠。黃金先賜霍嫖姚。秦雲曉渡



三。川。水。蜀。道。春。通。萬。里。橋。一。對。郾。筒。賜。欲。

斷。鶴。鶴。原。上。草。蕭。蕭。將題意逐層安放一氣轉摺有神無迹與

高青邱送沈左司詩三百年中不易多見者也

### 送王侍御按河南

塞上初歸復此行。燕南極目送飛旌。天連

嵩嶽寒雲盡。馬渡黃河春草生。簪筆常思

未央殿。封章時發大梁城。知君最愛應劉

賦。更向西園一寄聲。

### 七夕留別汪伯陽李于鱗王元美

#### 得知字

久。客。言。歸。意。留。連。幾。故。知。鵲。橋。星。渡。夜。燕

館。月。沉。時。天。上。纔。歡。合。人。間。轉。別。離。晴。分

絳。河。影。秋。動。白。榆。枝。桂。醕。還。成。醉。萍。蹤。不

可。期。年。年。湖。海。上。今。夕。定。相。思。

#### 行路難

荀。卿。將。入。楚。范。叔。未。歸。秦。花。鳥。非。鄉。國。悠

日言昇表集卷八  
悠行路人。平淡語而行  
路之難自見

秋閨曲

目極江天遠。秋霜下白蘋。可憐南去雁。不為倚樓人。

塞下間

旌旗蕩野塞雲開。金鼓連天朔雁回。落日  
半山追黠虜。彎弓直過李陵臺。

漠北詞

石頭敲火炙黃羊。胡女低歌勸酪漿。醉後  
羣胡不知夜。鵝兒嶺下月如霜。

擣衣曲

秦關昨夜一書歸。百戰猶隨劉武威。見說  
平安收涕淚。梧桐樹下擣寒衣。可憐無定  
之春閨夢裏人。幾於哀感  
頑艷矣。此詩可以嗣音。

遠別曲

即君幾載客三秦。好憶儂家漢水濱。門外

明詩別裁集卷八

三十四

兩株烏柏樹。叮嚀說向寄書人。

寫情極真  
方之茨姑

葉爛一篇可  
云新声古意

明詩別裁集卷八

